



**An Roinn Oideachais agus Scileanna**  
**Rannóg Oideachais Múinteoirí**  
**Corr na Madadh**  
**Baile Átha Luain**  
**Co. na hIarmhí**  
**N37 X659**

**Department of Education and Skills**  
**Teacher Education Section**  
**Cornamaddy**  
**Athlone**  
**Co Westmeath**  
**N37 X659**

## **SCÉIM AISÍOCHTA TÁILLÍ MÚINTEOIRÍ 2017**

### ***BA CHÓIR GACH FIOSRÚ A CHUR CHUIG:***

An Riarthóir, Scéim Aisíochta Táillí Múinteoirí  
Institiúid Oideachais Marino  
Ascaill Uí Ghríofa, Baile Átha Cliath D09 R232  
Teil: (01) 8535102  
Ríomhphost: [refundoffeesscheme@mie.ie](mailto:refundoffeesscheme@mie.ie)

### **Imlitir 01/2018**

[GABHANN AN IMLITIR SEO IN IONAD GACH IMLITREACH ROIMHE SEO FAOIN SCÉIM SEO]

## ***Ní ghlacfar ach le hiarratais i leith cúrsaí/cuid de chúrsaí a críochníodh sa tréimhse 1 Meán Fómhair 2016 go dtí 31 Lúnasa 2017***

### **RÉAMHRÁ**

Is í aidhm na himlitreach seo ná na forálacha a rialaíonn feidhmiú na *Scéime Aisíochta Táillí Múinteoirí* a leagan amach i gcomhair údarás bainistíochta scoileanna, príomhoidí agus múinteoirí.

Is é an cuspóir atá ag an Scéim Aisíochta Táillí Múinteoirí ná maoiniú a chur ar fáil do chostas rannpháirtíochta chúrsa agus táillí scrúdaithe, tar éis dóibh cúrsaí forbartha gairmiúla atá ábhartha go díreach agus chun leasa scoileanna agus atá faoi réir ag teastasú/damhachtain ag údarás creidiúnaithe cuí aitheanta ag an Roinn Oideachais agus Scileanna.

Baineann an Scéim Aisíochta Táillí Múinteoirí le hiarratais ó dhaoine aonair amháin agus níl cead ag scoileanna ná ag fostóirí eile aisíocaíochtaí a éileamh.

Tá an scéim seo faoi réir athbhreithnithe agus d'fhéadfaí athruithe a thabhairt isteach sula n-osclofar an scéim arís i gcomhair iarratas (.i. sula n-iarrfar iarratais ar aisíoc táillí maidir leis an mbliain acadúil ó 1 Meán Fómhair 2017 go 31 Lúnasa 2018).

### **MÚINTEOIRÍ ATÁ INCHÁILITHE**

- Tá bunmhúinteoirí agus iar-bhunmhúinteoirí atá ar seirbhís, atá cláraithe leis an gComhairle Mhúinteoireachta, atá ar phá ón Stát agus atá á bhfostú i scoil a bhfuil aitheantas ón Roinn Oideachais agus Scileanna aici, intofa chun iarratas a dhéanamh ar mhaoiniú faoin scéim. Áiríonn sé seo múinteoirí buana lánaimseartha, múinteoirí sealadacha lánaimseartha, múinteoirí páirtaimseartha, múinteoirí ionaid, múinteoirí faoi chonarthaí ar thréimhse éiginnte, agus múinteoirí faoi chonarthaí ar théarmaí seasta **atá fostaithe ar feadh na scoilbhliana iomláine agus a chuireann seirbhís teagaisc ar fáil i rith gach seachtaine scoile.**
- Tá múinteoirí lánchláraithe atá ar iasacht laistigh den earnáil oideachais i dteideal iarratas a chur isteach ar an scéim.
- Tá múinteoirí ar sos gairme/saoire gan phá incháilithe ar iarratas a chur isteach ar aisíocaíocht táillí, ach níl feidhm aige sin go dtí go bhfilléann siad ar an scoil tar éis na bliana/na mblianta ina raibh siad as láthair ar shos gairme/saoire staidéir.

### CÚRSAÍ NACH BHFUIL INCHÁILITHE FAOIN SCÉIM

- Ní íocfar maoiniú faoin Scéim Aisíochta Táillí Múinteoirí i leith cúrsaí as a bhfaightear cáilíocht a bhfuil liúntas iníochta ina leith ar 4 Nollaig 2011 nó ina dhiaidh (Tag: Imlitir 0008/2013, Alt 12).
- I gcás daoine a bhfuil Céim Mháistir nó cúrsa ionchurtha leis tosaithe acu ar 4 Nollaig 2011 nó roimhe sin (Tag: Imlitir 0008/2013, Alt 12), de ghnáth ní bhíonn daoine dá leithéid incháilithe faoin scéim, toisc go bhfaightear cáilíocht astu a bhfuil liúntas iníochta ina leith. Eisceacht air seo a bheadh ann dá mba rud é:
  - go bhfuil céim Mháistir onóracha ag an iarratasóir cheana féin a bhfuil liúntas iníochta ina leith;
  - go bhfuil céim Mháistir pas ag an iarratasóir agus go bhfaigheann sé/sí céim Mháistir pas eile.
- Ní íocfar maoiniú faoin scéim seo chuig easpaí sna cáilíochtaí a theastaíonn i gcomhair aitheantais iomláin mar mhúinteoir bunscoile nó iarbhunscoile.
- Má tá liúntas i leith céime pas agat agus má fhaigheann tú céim onóracha ina dhiaidh sin níl tú incháilithe ar iarratas a chur isteach.

### CÚRSAÍ INCHÁILITHE

- Ba cheart go mbeadh cúrsaí a cháilíonn bainteach go díreach le, agus go rachaidís chun leasa scoileanna, bainistíocht scoileanna nó múinteoirí, agus ba cheart go mbeadh tionchar dearfach acu faoi dheoidh ar theagasc agus ar fhoghlaim.
- Ba cheart go mbeadh cúrsaí faoi réir ag teastasú/dámhachtain ag údarás creidiúnaithe cúí atá aitheanta ag an Roinn Oideachais agus Scileanna chun críche na scéime seo.

### Cúrsaí Dioplóma

- Go ginearálta, beidh cúrsaí aitheanta dioplóma agus teastais atá creidiúnaithe mar a luaitear thuas incháilithe faoin *Scéim Aisíoch Táillí Múinteoirí*.
- Ní mór **cóip den teastas dioplóma féin** a gnóthaíodh de thoradh an cúrsa a bheith críochnaithe go rathúil, a bheith i dteannta gach foirme iarratais.

### IARRATAIS CHUIG AN SCÉIM AISÍOCHTA TÁILLÍ MÚINTEOIRÍ

- Riarann Institiúid Oideachais Marino an scéim thar ceann na Roinne Oideachais agus Scileanna.
- Ní mór do mhúinteoirí iarratas a dhéanamh le cead ón bPríomhoidí agus óna mBoird Bhainistíochta agus/nó Boird Oideachais agus Oilíuna ar an bhfoirm iarratais chaighdeánach. Is ceart foirmeacha iarratais chomhlánaithe a chur chuig:

**An Riarthóir, Scéim Aisíochta Táillí Múinteoirí**  
**Institiúid Oideachais Marino, Ascal Uí Ghríofa, Baile Átha Cliath D09 R232**  
**Teil: (01) 8535102**  
**r-phost: [refundoffeesscheme@mie.ie](mailto:refundoffeesscheme@mie.ie)**

- Ní ghlacfar ach le hiarratais i leith cúrsaí/cuid de chúrsaí a críochnaíodh sa tréimhse **1 Meán Fómhair 2016 go dtí 31 Lúnasa 2017.**
- Is é an spriocdháta d'iarratais a fháil ná **23 Márta 2018.** Admhófar gach aon iarratas a fhaightear.
- Nuair is faide ré an chúrsa ná bliain, ní mór iarratais a chur isteach i ndiaidh gach bliain a chríochnú go rathúil.
- Iarrfar freisin ar iarratasóirí fianaise dhoiciméadach a chur ar fáil ó sholáthróir an chúrsa (Údarás Creidiúnaithe nó Institiúid Tríú Leibhéal) ag deimhniú:
  - a) teideal oifigiúil an chúrsa
  - b) gur chríochnaigh an t-iarratasóir an cúrsa, nó bliain den chúrsa, go rathúil
  - c) torthaí an scrúdaitheIs leor cóip den tras-scribhinn oifigiúil má shásaíonn sí na riachtanais thuasluaite.
- Tá sé de fhreagracht ar gach aon iarratasóir a chinntiú go bhfuil an fhoirm iarratais **comhlánaithe go hiomlán, agus go bhfuil sí sínithe agus gach doiciméadú ábhartha i dteannta léi.**
- Coimeádann MIE agus an ROS an ceart acu féin doiciméadachán bunaidh a éileamh ag aon am.
- **Ní dhéanfar iarratais dhéanacha a mheas.**

### COISTE MONATÓIREACHTA

- Déanann Coiste Monatóireachta, ar a bhfuil ionadaithe ó cheardchumainn na múinteoirí, ionadaithe ó bhainistíocht scoile agus ionadaithe ón Roinn Oideachais agus Scileanna, maoirsiú ar riarachán na scéime agus déanann sé moltaí faoi leithdháileadh íocaíochtaí ar iarratasóirí.
- Féadtar achomhairc in aghaidh molta de chuid an choiste monatóireachta a dhéanamh chuig Coiste Achomharc faoi choimirce an Aire Oideachais agus Scileanna.

### COISTE ACHOMHARC

- Breithneoidh coiste achomharc, ar a bhfuil baill den Rannóg Oideachais Múinteoirí na Roinne Oideachais agus Eolaíochta agus den Chigireacht, achomhairc ó iarratasóirí nár fhaomh an coiste monatóireachta a n-iarratais.
- **Ní mór** achomhairc faoi chinneadh an choiste monatóireachta a bheith faighte ***laistigh de cheithre seachtaine oibre*** ón dáta ar a eisíodh fógra faoin gcinneadh.
- Ní foras achomhairc é iarratais a bheith diúltaithe de bharr iad a bheith déanach, neamhiomlán nó gan a bheith sínithe.
- Caithfear cóip den fhoirm iarratais chomhlánaithe a cheangal leis an litir achomhairc. Caithfidh an litir seo forais an achomhairc a chur in iúl go soiléir.
- Tá gach eolas agus gach doiciméid atá mar theca le hachomhairc faoi réir fíoraithe.

### MÉIDEANNA ATÁ INÍOCTHA D'IARRATASÓIRÍ

- Is tríd an Ríomhaistriú Airgid a dhéanfar íocaíochtaí le hiarratasóirí a n-éireoidh leo. Cuir do shonraí bainc ar fáil ar leathanach 12 chun éascaíocht a dhéanamh dó seo, le do thoil. Cuirfidh MIE prótacail slándála sonraí i bhfeidhm maidir le húsáid na sonraí seo.
- Soláthróidh Institiúid Oideachais Marino prótacail slándála chuí i leith úsáid na sonraí seo.
- Déantar iarratais ar mhaoiniú faoin *Scéim Aisíochta Táillí Múinteoirí* go siarghabhálach i leith cúrsa a rinneadh i rith na bliana acadúla roimhe sin.
- Is riachtanach gur mó ná €600 na táillí iomlána atá iníoctha ag an iarratasóir as an gcúrsa/cuid den chúrsa sa bhliain iarratais chuí. Is é uasmhéid na táille a dhéanfar aisíoc ina leith ná €5000. Ní chuirfear ach táillí a bhaineann leis an mbliain acadúil ina bhfuil an t-iarratas a dhéanamh faoi chaibidil.
- Tá an maoiniú don scéim seo ag brath ar an mbuiséad a leithdháiltear don Roinn Oideachais agus Scileanna.
- Braitheann codán na dtáillí a aisíocfar faoin scéim ar líon na n-iarratasóirí cáilithe a bheidh ann in aon bhliain amháin ar bith. Leithdháiltear an maoiniú atá ar fáil ar bhonn *pro-rata* i dtreo is go bhfaigheann na hiarratasóirí go léir a n-éiríonn leo an codán céanna dá gcuid táillí incháilithe.
- Áit a bhfuil iarratasóir **ag fáil íocaíochta/fóirdheontais ar bith cheana féin in aghaidh costais an chúrsa i gceist**, laghdófar méid na dtáillí atá incháilithe d'íocaíocht de réir mhéid na híocaíochta nó na n-íocaíochtaí sin.
- Mura ndéantá gach aon fóirdheontas/liúntas a nochtadh, measfar iarratas a bheith ar neamhní go hiomlán.
- Eiseofar íocaíocht a luaithe is a bheidh cinneadh déanta ag an gcoiste monatóireachta.

### FÓGRA DO MHÚINTEOIRÍ

**Bheifí buíoch ach an imlitir seo a chur ar aire na foirne teagaisc uile, lena n-áirítear iad siúd atá ar saoire, ar iasacht nó ar sos gairme.**

Eddie Ward  
Príomhoifigeach  
Rannóg Oideachais Múinteoirí  
Eanáir 2018